



**Broj: 01-11/15**  
**Vareš, 28.01. 2015. godine**

Na osnovu člana 3. Zakona o finansiranju pomoći za otklanjanje posljedica prirodne nesreće i obnovu područja zahvaćenim prirodnim nesrećama („Sl. novine FBiH“ 59/14) i Uredbe o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije BiH“, V broj 66/14) i Odluke o dodjeli sredstava Federalnog Fonda za pomoć nastradalim područjima od prirodne nesreće na teritoriji Federacije Bosne i Hercegovine radi izgradnje stambenih jedinica, donesene od strane Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine – Upravnog odbora broj: 01-14-242-20/14 od 04.12.2014, i člana 22. Statuta Općine Vareš – Prečišćen tekst, broj: 01-162/12 od 11.09.2012. godine, Općinsko vijeće Vareš, na 25. sjednici održanoj 28.01.2015. godine, d o n o s i

## **ODLUKU**

o kriterijima za dodjelu sredstava porodicama čije su stambene jedinice uništene usljed prirodne nesreće

### **I**

Ovom Odlukom određuju se uslovi i kriteriji za dodjelu sredstava, porodicama čije su stambene jedinice uništene usljed prirodne nesreće, koja su dodijeljena Općini Vareš od Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, Odlukom broj: 01-14-242-20/14 od 04.12.2014. godine u ukupnom iznosu od 90.812,00 KM, na ime izgradnje tri stambene jedinice.

### **II**

Ovu Odluku primjenjivat će Općina Vareš, nadležni općinski organ (komisija za provođenje postupka dodjele sredstava porodicama čiji su stambeni objekti uništeni usljed prirodne nesreće), na osnovu koje će sačiniti listu prioriteta za dodjelu navedenih sredstava, a nakon provedene konkursne procedure i izbora korisnika.

### **III**

Za dodjelu sredstava porodicama čiji su stambeni objekti uništeni usljed prirodne nesreće, podnosioci zahtjeva moraju ispunjavati sljedeće uslove iz Uredbe o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije BiH“, V broj 66/14), a to su:

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



1. Da je državljanin Bosne i Hercegovine
2. Da je u vrijeme prirodne nesreće proglašene Odlukom o proglašenju stanja prirodne nesreće na području Federacije BiH uzrokovane obilnim kišnim padavinama, koje su prouzrokovale poplave na području Federacije BiH („Službene novine Federacije BiH“, broj 37/14), imao imovinu na teritoriji općine zahvaćene prirodnom nesrećom
3. Da mu je odlukom nadležne komisije utvrđen nastanak štete na imovini i da je šteta prouzrokovana prirodnom nesrećom iz tačke 2. ovog stava

Pored uslova iz Uredbe o kriterijima za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije BiH“, V broj 66/14), podnosioci zahtjeva moraju ispunjavati i sljedeći uslov:

-da mu je odlukom nadležne komisije utvrđeno da je objekat uništen

-da do sada, podnosilac zahtjeva nije dobio sredstva i nije u proceduri dobijanja sredstava za obnovu i izgradnju stambenih jedinica oštećenih ili uništenih usljed elementarne nepogode.

Komisija će bodovanje izvršiti na osnovu procjene štete utvrđene od nadležne komisije:

Visina štete:

Iznos štete		Bod
KM		
Od	Do	
20.000	30.000	25
Preko 30.000		35

#### IV

Pravo na dodjelu sredstava ne može ostvariti više od jedne osobe iz pripadajućeg domaćinstva.

#### V

Nakon izbora korisnika sredstva po ovoj odluci, direktor Fonda, načelnik Općine i korisnici sredstva, potpisat će ugovor o utrošku sredstava dobijenih za izgradnju stambenih jedinica izabranih korisnika.

#### VI

Ova Odluka stupa na snagu narednog dana od dana donošenja i bit će objavljena na oglasnoj ploči Općine Vareš i web stranici Općine Vareš [www.vares.info](http://www.vares.info).

**PREDSJEDAVAJUĆI  
OPĆINSKOG VIJEĆA**

**Zdravko Marošević**

**Obrazloženje**  
**Odluke o kriterijima za dodjelu sredstava porodicama čiji su stambeni objekti uništeni**  
**usljed prirodne nesreće**

**Pravni osnov**

Pravni osnov za donošenje ove Odluke je Uredba o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije BiH“ 66/14) i Odluka o dodjeli sredstava Federalnog Fonda za pomoć nastradalim područjima od prirodne nesreće na teritoriji Federacije Bosne i Hercegovine radi izgradnje stambenih jedinica broj: 01-14-242-20/14 od 04.12.2014. godine, donesena od strane Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, član 22. Statuta Općine Vareš – Prečišćen tekst, broj: 01-162/12 od 11.09.2012. godine

**Razlog za donošenje**

Članom 3. tripartitnog ugovora o načinu korištenja novčanih sredstava Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine je predviđeno da se sredstva dodjeljuju u skladu sa kriterijima–prioritetima usvojenim od strane Općinskog vijeća.

Potrebno je donijeti Odluku o kriterijima za dodjelu sredstava porodicama čije su stambene jedinice uništene usljed prirodne nesreće, da bi raspisali Javni konkurs za dodjelu sredstava porodicama čije su stambene jedinice uništene usljed prirodne nesreće.

**Finansijska sredstva**

Za provođenje ove Odluke Općini Vareš su dodijeljena sredstva Federalnog fonda za pomoć nastradalim područjima od prirodne nesreće u iznosu od 90.812,00 KM.

**PREDLAGAČ**  
**OPĆINSKI NAČELNIK**

**Kovačević Avdija, dipl.pravnik**